

元

詩

紀

事

九

71  
5



元詩紀事卷二十七

侯官陳衍緝

顧瑛

瑛一名阿瑛別名德輝字仲瑛崑山人舉茂才署會稽教諭  
辟行省屬官皆不就有玉山璞稿

蘇談顧阿瑛在元末爲崑山大家其亭館蓋有三十六處每  
處皆有春帖一對阿瑛手題也記必名公詩必才士雖篆隸  
一二字亦必選當代之筆當時如楊廉夫鄭明德張伯雨倪  
元鎮皆其往還客也尤密者爲秦約于立釋良琦後阿瑛遭  
亂財盡散去遂削髮爲在家僧

元明事類鈔玉山草堂園池聲伎之盛甲於天下有小璠花

南枝秀者每宴會輒命侑觴乞詩

自題小像

儒衣僧帽道人鞋天下青山骨可埋若說向時豪傑處五陵鞍馬洛陽街

藝苑卮言吾崑山顧瑛無錫倪元鎮俱以猗卓之貴更挾才藻風流豪賞爲東南之冠而楊廉夫實主斯盟顧倪各散家貲顧畫其像題云云至今人傳之夫以顧倪之富與廉夫之豪縱而若此其於陶靖節可謂異軌同操

南濠詩話顧玉山仲瑛嘗自題小像云云人咸賞其達予謂仲瑛此詩不無所襲傅大士詩云道冠儒履釋袈裟三教原來總一家東坡嶽中寄子由云是處青山可埋骨他時夜雨

獨傷神

金粟冢中秋日燕集

嘉樹蔽日涼颺散煙展席藉草待月臨川簪蓋既合飲芳割鮮歌斯  
哭斯以終餘年

綽山古佳城左股接昆丘水作青龍來九派盤遭週道人金粟冢在  
彼山之幽團團青桂樹枝葉相蜷樛石削華表立碑刻金窠鏤人身  
無百年胡乃三彭仇四大偶一失九丹不能瘳肉血潰臭腐不朽惟  
髑髏棄之道路傍行者得溺洩狐狸與蠅蚋食噉紛相讎欲貽後之  
人以掩面目羞烏兔互出沒急行不入郵縱有萬丈繩誰能繫之留  
暖穴競螻螳涼風滅蜉蝣榮名乃何物汲汲將奚求金谷珊瑚樹天  
網一夕收美人化黃壤燕子巢空樓大印佩六國散金馳八騶一朝

不得志車裂徇九州秦皇與漢武靈藥採仙洲玉棺葬地底金鳧出  
海陬梨花自寒食夜雨鬼啾啾飛錢化蝴蝶走燐驚鶴鷄混沌鑿不  
死倏忽何能休丈夫不解事老大傷白頭何如種秫米壓酒日自篋  
今夕三五夕我已爲君謀長餅貯十斛百結青絲兜截江取紫蟹攀  
樹摘紅榴周垣設茵席矮儿陳脯修步登白雲屏待月豁醉眸劃然  
白蝦蟆抱出黃金毬又若摩尼珠躍出驪龍湫吐吞大地影晃漾東  
南浮老兔玉杵白搗作人間秋寶城三千里縮景歸遐陬宮殿魚鱗  
鴛草木秋雲稠素娥騎彩鸞舞雪翻霓裘手折瓊樹花競拂金精流  
化爲五素芒落我白瑤甌持滿向君語借箸請爲籌十載苦國難豪  
傑紛戈矛鴻門撞玉斗桃園宰烏牛戰血濺野草餓孳填荒溝我時  
挈妻孥夜泛苕霅舟有兒縮兵符承乏萬戶侯三年盡忠歸身作抱

官囚平生萬卷書，怒焚遭鬱攸廬。墓讀內典守節事，清修親友散如  
雪。雲樹空悠悠，獨爾數君子。艱棘見何由，今聞王師出。卒伍皆兜鍪，  
弄刀走官馬。千里風颼颼，桓桓李將軍。大旗畫蚩尤，去秋奪汴城。今  
復追大酋，屯兵泗水上。添竈扼賊喉，東南貢米粟。連網起歌謳，我曹  
幸無恙。坐見恢皇猷，酒旗指南斗。今茲會綢繆，請起各稱壽。我亦相  
勸酬，羣才盡敏捷。用作釣詩鈎，青山忽大笑。此意君知不，呼童酌大  
白。醉此土一坏，他時蓋棺了。神隨和氣游，巾插空中花。撒手鞭蒼蚪，  
東海招若士。西池訪阿緱，共看麻姑爪。當座擘筮篔，不必兒女淚。暗  
灑窀穸愁，達哉司空圖。吾今乃其儔，大書勒巖壁。永絕生前遊。

鐵網珊瑚右前詩四韻後詩七十韻匡廬于立金粟冢中秋

日燕集後序綽山乃勾吳顧仲瑛氏之先塋在焉仲瑛附先

瑩營繭室自銘其墓題曰金粟冢則知仲瑛之曠達蓋有昔  
賢司空圖傳奕之遺風焉千古在前萬古在後生而與故人  
飲酒泉臺之上則勾吳自顧君始也倪生道原倣李龍眠蘭  
亭修禊圖 于右 淮海秦君敘之首是集主客凡  
十有二人爲詩者八人詩不成者四人依觴政行罰云

次韻劉季章治中邀夏仲信郎中游永安湖詩二首

金粟寺中公廨靜白晝事閒如治蒲沙棠爲舟穩可泛郎官之湖今  
豈無啄花鶯坐水楊柳雪藕人歌山鷓鴣日西上馬踏歸路小隊大  
呼驚道吾

鐵網珊瑚金粟道人和劉別駕

上詩有啄花云云之

句此詩一出便覺鐵崖不得擅

體又徵老鐵同韻走筆賡



去不能奇也云云老鐵禎詩帖上和畢煩粘卷送達金粟所也

題文湖州折竹

湖州昔在陵州住日日逢人寫竹枝一段枯梢作三折分明雪後上窗時

書畫史文湖州竹生平僅見真蹟一幀在橫冊上乃折竹也其題者二人柯九思云云金粟道人阿瑛云云

玉山佳處以愛汝玉山草堂靜分韻得靜字

蘭風蕩叢薄高宇日色靜林迴泛春聲簾疎散清影褰裳石蘿古濯纓水花冷於焉奉華觴聊以娛晝永

玉山草堂晚酌以高秋爽氣相鮮新分韻得鮮字

玉山草堂秋七月露梢風葉正翛然出林新月清輝發當竹幽花夜色鮮羽客時來蒼水珮山僧頻寄白雲泉文章錄事休輕別正好深樽滿眼傳

玉山逸稿西夏昂吉起文序云七月既望日玉山主人與客晚酌于草堂中肴菓既陳壺酒將瀉時暑漸退月色出林樹閒主人乃以高秋爽氣相鮮新分韻詩不成者三人各罰酒二觥

案玉山逸稿七十三首今錄二首以概其餘

楊維禎玉山雅集圖記右玉山雅集圖一卷淮海張渥用李龍眠法所作也玉山主者爲崑丘顧阿瑛氏其人青年好學通文史及聲律鐘鼎古器法書名畫品格之辨性尤輕財喜

客海內文士未嘗不造玉山所其風流文采出乎輩流者尤爲傾倒故至正戊子二月十又九日之會爲諸集之冠鹿皮衣紫綺坐據案而申卷者鐵笛道人會稽楊維禎也執笛而侍者姬翡翠屏也岸香几而雄辨者野航道人姚文奐也沈吟而癡坐搜句於景象之外者苕溪漁者郟韶也琴書左右捉玉麈而從容談笑者卽玉山主人也姬之侍爲天香秀也展卷而作畫者爲吳門李立傍視而指畫者卽張渥也席阜比曲肱而枕石者玉山之仲晉也冠黃冠坐蟠根之上者匡廬山人于立也美衣巾束冠帶而立頤指僕從治酒肴者玉山之子元臣也奉肴核者丁香秀也持觴而聽令者小瓊英也一時人品疎通俊朗侍姬執伎皆妍整奔走童隸亦皆馴

雅安於矩矱之內觴政流行樂部諧暢碧梧翠竹與清揚爭  
秀落花芳草與才情俱飛登口成句落豪成文花月不妖湖  
山清發是宜斯圖一出一時名流所慕尙也時期而不至者  
句曲外史張雨永嘉徵君李孝光東海倪瓚天台陳基也夫  
主客交并文酒賞會代有之矣而稱美于世者僅山陰之蘭  
亭洛陽之西園耳金谷龍山而次弗論也然而蘭亭過於清  
則隘西園過於華則靡清而不隘也華而不靡也若今玉山  
之集者非歟故余爲撰述綴圖尾使覽者有考焉是歲三月  
初吉客維楨記

以玉山亭館分題得金粟影

飛軒下瞰芙蓉渚檻外幽花月中吐天風寂寂吹古香清露泠泠溼

秋圃雲梯萬丈手可攀居然夢落清虛府庭中擣藥玉兔愁樹下乘  
鸞素娥舞瓊樓玉殿千娉婷中有癯仙淡眉宇問我西湖舊風月何  
似東華軟塵土寒光倒落影娥池的皜明珠承翠羽但見山河影動  
搖獨有清輝照今古覺來作詩思茫然金粟霏霏下如雨

附晉寧張翥仲舉序云至正十年蒼龍庚寅之歲秋仲十九  
日余以代祀歸至姑蘇顧君仲瑛延于玉山時鄭君明德李  
君廷璧于君彥成郟君九成華君伯翔草堂主人方外友本  
元元璞二公酒半歡甚卽席以玉山亭館分題者九人予以  
過賓屬爲小引未知昔賢梓澤蘭亭如今之會也耶

玉山名勝集楊維禎玉山草堂記崑隱君顧仲瑛氏其家世  
在崑之西界溪之上旣與其仲爲東西第又稍爲園池別墅

治屋廬其中名其前之軒曰釣月中之室曰芝雲東曰可詩齋西曰讀書舍後纍石爲山山前之亭曰種玉登山而憩住者小蓬萊山邊之樓曰小游仙最後之堂曰碧梧翠竹又有湖光山色之樓過浣花之溪而草堂在焉所謂柳塘春漁莊者又其東偏之景也臨池之軒曰金粟影此虎頭之癡絕者合而稱之則曰玉山佳處也余抵崑仲瑛氏必居余佳之所且求誌勝顏屋按郡志崑山隸華亭陸氏祖所窆生機雲時人因以玉出崑而名崑邑山本號馬鞍出奇石似玉烟雨晦明時有佳氣如藍田焉故人亦呼曰玉又曰崑而仲瑛氏之居去玉山一舍遠云云

按名勝集尙有書畫舫春暉樓秋華亭淡香亭君子亭雪巢

春草池綠波亭絳雪亭聽雪齋白雲海來龜軒拜石壇寒翠  
所等處記中不載

唐宮詞次鐵雅先生無題韻十首

天寶雞坊寵賈昌不教

宮一作中

蝴蝶上

一作

釵梁錦棚晝浴天驕子絳

節朝看王大娘

也王母

芍藥金闌開內苑蒲萄玉觥酌西涼月支十萬

資臙粉獨有三娥

一作

素面妝

蓮花池畔暑風涼玉竹迴文寶篋光貪倚畫屏調

一作

翡翠誤開金

鎖放鴛鴦輕綃披霧誇新浴墮髻欹雲銜晚妝笑語女牛私語處長

生殿下月中央

五色卿雲護帝城春風無處不關情小花靜院偷吹笛淡月閑房背  
合箏鳳爪劈柑封鈿合龍頭瀉酒下瑤罌後宮學做金錢會香水蘭

盆浴化生

龍旂翠

孔一作

蓋擁鸞幢步輦追隨幸曲江鳥道正通天上路羊車直

到竹間窗桃花柳葉元無匹

限一作

燕子鶯兒各有雙中貴向人言近

事風流陳裏帝先降

秘閣香殘日影移燈分青玉刻蟠螭琵琶鳳結紅文木絃索蠶繅綠

水絲金屋有花頻賭酒玉杵無子不彈碁傳宣趣發明馳使南海今

年進荔枝

近臣諧謔似枚臯侍宴承恩得錦袍扇賜方空描蛺蝶局看雙陸賭

櫻桃翰林醉進清平調光祿新呈玉

五一作

色醪密奏君王好將息昨

朝馬上打圍勞

虢國來朝不動塵障泥一色繡麒麟朱衣小隊高呵道粉筆新圖徧



寫真寶雀玉蟬簪翠髻銀鵝金鳳踏文茵一從羯鼓催春後不信司  
花別有神

五王馬上打毬歸贏得宮花獻貴妃樂起閣門邊奏少禍因臺寺諫  
書稀侍兒隨幸皆頒紫骰子蒙恩亦賜緋姊一作姊妹相從習歌舞何  
人能製柘黃衣

新製霓裳按舞腰笑他飛燕怕風飄玉蠶一作管倒臥蟠條脫金鳳斜  
飛上步搖雲母屏開一作殿前齊奏樂沈香火底並一作坐吹簫只因野鹿

銜花去從此君王罷早朝

宮衣窄窄小黃門躑躅初開賜縹盆夜月不窺鸚鵡塚春風每憶鳳  
皇園愛收花露消心渴怕解金珂見爪痕只有椒房老宮監白頭一  
一話開元

草堂雅集鐵雅評曰十詩綿聯縟麗消得錦半臂也

巫峽雲濤石屏志

謝家綠玉屏不琢龜甲形方若陟釐紙粉縹帶苔青秀潔庚庚絕文  
理十二巫峰橫隱起芙蓉照影立亭亭遠落巴江一江水素湍洶湧  
翻綠濤長風吹雲白月高三峽濤聲滿人耳箇中獨欠孤猿號胡僧  
謾有金壺汁洒向素縑圖不得女媧鍊石作五彩點染料應無此色  
此石產景由天工略假石人磨削功石色欲盡玉色起汎沈天碧涵  
清空君不聞大食貢石瑩如玉中有奇松四時綠六月涼風卷翠濤  
瑟瑟秋聲戰空屋又不聞楊家古屏刻水精中有爲雲之美人海綃  
衣裳爲煙霧姓名自語非眞眞二物化去固已久價重隋珠難再有  
君家玉屏獨在世勿落忍人豪奪手我聞故人楊鐵仙束帶拜之如

米顛起來發狂捉鐵筆醉墨寫入青瑤鐫何日乘舟上魚腹喚取巴童唱巴曲更借丹丘粉墨屏對案巫山真面目

玉山璞藁余嘗往震澤聞松陵謝氏伯仲賢而好事而余水仙之舟未得一造其所今高君叔彬攜此卷至別業求題且知楊鐵崖亦到湖上由是益知其賢而好事故製長詩一篇寄題寶屏他日或飲君薔薇花下幸出此爲張本云至正乙巳七月廿一日金粟道人顧阿瑛書于合溪別業

顧佐

佐字翼之瑛兒子

西湖竹枝集好吟詠時有驚人句蓋亦漸染玉山之習

西湖竹枝詞

阿儂心似湖水清願郎心似湖月明南山雲起北山雨雲雨朝朝何處晴

顧元臣

元臣字國衡仲瑛之子

列朝詩集至正間官水軍都府副都萬戶國初徙濠

西湖竹枝詞

牡丹開時花滿闌芍藥開時春已殘等過三春今半夏重樓日日倚闌干

西湖竹枝集年少能讀書作詩俊爽世其家者此詩雖用藥名隱而不顯善於喻者也

顧晉

晉字進道瑛仲子

前題

楊白花開風滿天花開成絮不成綿不如落向西湖水化作浮萍個

個圓

燕不  
花下

案以上二人不類次卷八之末者居顧瑛前嫌於倒置也

黃文德汴中人號尙文子

寄玉山草堂

玄圃仙人吾未識聞說吳山種春色昨夜洞雲天際來明月空齋坐  
相憶

草堂雅集自題曰予家汴中僑之昭武甫官五溪適洞雲錢  
居士過我得覲仲瑛揮玉詞翰兼美雖未能識荆有不能忘

情者賦二十八字附卷末他日洞雲歸澗當以此爲顧君一笑且以期後會云

卞思義

思義字宜之

鐵笛詩寄楊廉夫

一段清冰百鍊鋼曾翻宮徵侍虛皇裂開黃鵠磯頭石驚落青鸞鏡  
裏霜仙子珮環新樂府翰林風月舊文章道人清節磨礪久却笑桓  
伊獨據床

歸田詩話楊廉夫初居吳山鐵冶嶺號鐵崖後遷松江又號  
鐵笛道人卞宜之作鐵笛詩寄之云云廉夫喜之同時有製  
鐵笛賦者造語粗率不若詩也

汗酒

水火誰傳既濟方滿鑑香汗滴瓊漿開尊錯認薔薇露溜齒微沾茵  
蓄香水泄尾閭知節候津生華蓋識溫涼千鍾魯酒空勞勸一酌端  
能作醉鄉

西湖竹枝集卞思義光州人氣宇疎曠早年有詩名浙西憲  
府以其才賢辟爲屬掾雖居官日猶不廢於吟詩長於詠物  
如汗酒鐵笛爲人所稱云

瞿士衡

士衡字 錢唐人

宋故宮詩次楊廉夫韻

歌舞樓臺擬汴州可憐蠻觸戰蝸牛臨書玉枕雕簷靜行酒青衣鬪

帳愁卷土自應從  
夏父滔天誰復放  
驪兜臺空樹老寒  
鴉集落日白  
波江上秋

歸田詩話先叔祖士衡和楊廉夫宋故宮詩云云廉夫喜其  
和兜字韻勝蓋廉夫詩用紅兜字元廢宋宮爲佛寺西僧皆  
載紅兜帽也

文質

質字學古甬東人

梅花燈

五出玲瓏四面分  
一枝挑月照黃昏  
歸來踏遍橫斜影  
吹落東風不見痕

江南通志嘗與楊廉夫玩梅花燈賦詩有歸來云云之句人



傳誦之

時太初

太初字大本常熟人

白燕

春社年年帶雪歸海棠庭院月爭輝珠簾十二中間捲玉剪一雙高  
下飛天下公侯誇紫領國中儔侶尙烏衣江湖多少閒鷗鷺宜與同  
盟伴釣磯

南濠詩話袁景文嘗與友人謁楊廉夫几上有詠白燕詩珠  
簾云云景文曰此詩殆未盡體物之妙也廉夫不以爲然景  
文歸作詩翌日呈廉夫云云廉夫歎賞一時呼爲袁白燕云

顧亮

亮字寅仲上虞人

月氏王頭歌和楊鐵崖

月氏肉碎如雪月氏顛勁如鐵

鐵崖曰只數語便破鬼膽

快劍一斫天柱折留取

胡盧飲生血冒頓老魅呼月精夜酌葡萄隴月明鬼妻踢地號我天

可汗天靈哮唬聲嘶酸於乎顛兮顛兮汝勿悲我今酌汝金留犁黔

州都督有血頂精魂夜夜溺中啼

列朝詩集鐵崖擊節歎賞曰說出月氏王一副枯骨作活潑

潑底侏僂語青冢妃不能宣諸宮羽者茲調宣之費憲兩生

當讓一籌

李費

費字

人楊鐵崖門人

月氏王頭飲器歌和楊鐵崖

太白入月月欲頹胡風吹墮白龍堆起繼壁曰一血函模糊截仇首半

腕剗作玻璃杯目皆生紅酒微纈戎王胸堂沃焦熱語奇青氈帳下唱

胡歌三十六國皆膽裂愈出愈奇金篋攪紅紅欲凝腦中猶作銅龍聲狐真

語精千年古恨恨未平怨魄飛作精衛精君不見漆身復仇仇未復地

下義人吞炭哭

列朝詩集余讀費辭爲之擊几而歌費真狐精也時和者稱

張憲明日費辭至憲拜之曰吾當放君一頭地取已作而焚

之

林世濟

世濟字三山人

漫興一首奉懷草元先生

噬牙不可摩頷鱗不可嬰所以明哲士婉變逃其生  
培蛙既聒聒陵茗亦榮榮懷哉一壺酒南山最高層

鐵崖評曰三月不見石室生忽得此詩如渴沃甘露有數日  
餘味末句所懷老夫不足當也

敬和草元內翰先生臺字韻并呈世壽堂賢喬梓過目

鐵史新移淞上屋子雲住蜀小亭臺窗涵九朶山尖出門對百花潭  
水開月下文簫騎虎去雲間青鳥送書來高年自得養生術政似嬰  
兒初未孩

鐵崖評曰末句道家語也

貢性之

性之字友初尚書師秦族子也元季以胄子除簿尉後補閩  
理官入明不仕更名悅有南湖集

絕句

十八姑兒淺淡妝春衣初試柳芽黃三三五五東風裏去上吳山答  
願香

送戴伯貞檢校還廣西

桂江煙水接瀟湘逐客南歸道路長卷裏漫多新製作篋中猶是舊  
衣裳逢人盡說官如水老我相看鬢已霜此去莫教音問斷雁飛今  
喜過衡陽

歸田詩話貢有初工詩春日見吳山遊女之盛作絕句云云  
特過予誦之其詩新嫩奇巧多類是惟送戴伯貞還廣西一

元詩紀事卷二十一  
十四  
律云云敘事委曲而感慨係之出諸作之上

題畫梅

王郎胸次亦清奇寫盡孤山雪後枝老我江南無俗事爲渠日日賦  
新詩

王郎日日寫梅花寫徧杭州百萬家向我題詩如索債詩成贏得世  
人誇

南湖詩集四代孫欽序入國朝隱居越之山陰更諱悅遂終  
於越門人私諡曰貞晦世號南湖先生故其集曰南湖時會  
稽王元章善畫梅得其畫者謂無貢南湖詩則不貴重故集  
中多詠梅詩

吳志淳

志淳字主一以字行無爲州人以父蔭官縣簿入明不仕

句

晚涼浴罷閒無事水閣東頭看月生

歸田詩話水殿雲廊三十六不知何處月明多王子宣詩云  
云吳主一詩二人在當時皆以詩鳴此其得意句

又

燕來已覺社日近寒退始知春意深

藝苑卮言入宏正間不復可辨參之貞元長慶亦無愧色

陳思

思字履信松人

句

傳家忍學韓爲賈失國驚聞莒滅郢

梧溪集弊廬數楹鄰人侵傍地自歌曰食且無魚奈何盤蔬  
無餘鄰聞之歸所侵地居海上日惟無後是戚乃欲弟之幼  
子弟不之卹吳被圍思愈皇皇因賦詩謁祝上海挺云云挺  
嘉歎爲讓弟遂立其子

吳敬夫

題蘆花被圖

秋風吟就蘆花被一落人間知幾年澤國江山今入畫詩人毛骨久  
成仙高情已落滄洲外舊夢猶迷白鳥邊展卷不知時世換水光山  
色故依然

歸田詩話亡友邱彥能藏蘆花被圖蓋模寫酸齋梁山灤故



事貢秦甫題律詩一首吳子立繼之其餘數首而已彥能寶  
惜此卷不妄與人題後遇吳敬夫以其有詩名出而求題敬  
夫爲賦數首皆不愜意最後一首云云彥能喜始登於卷

思子

劍閣凌雲鳥道邊路難聞說上青天山川萬里身如寄鴻雁三秋信  
不傳落葉打窗風似雨孤燈背壁夜如年老懷一掬鍾情淚幾度沾  
衣獨泫然

瓠里子筆談錢塘吳慥洪武間官四川其父敬夫思之作詩  
云云敬夫卒而慥始以丁憂還家且作詩矜其妻之賢而未  
嘗念及其父至爲瞿存齋先生面誚之

句

闌干苜蓿先生飯顛倒天吳稚子衣

歸田詩話曹組元寵題村學堂圖此老方捫蝨衆雛爭附火  
想當訓誨間都都平丈我語雖調笑而曲盡村俗之狀近吳  
敬夫一聯云云其景况可想也

呂玄英

鶴傍牡丹圖

牡丹花畔鶴精神飛並雲林似倚人萬里青霄不歸去洛陽能有幾

時春

閒中今古錄元末江西程國儒任餘姚州判官因亂來依方  
谷珍與呂玄英爲友國儒有鶴傍牡丹圖索呂題云云程得  
詩卽日促裝回番陽

沙可學

可學字 永嘉人登至正進士第爲行省掾

詠懷

疏鑿功成王氣衰九重端拱尙無爲  
貪夫柄國忠良沒巨敵臨郊社稷危  
萬里朔雲沙漠漠六宮禁御草離離  
金輿玉輅無消息腸斷西風白雁飛

靜志居詩話可學僅存詠懷詩蓋憶庚申君北狩而作首句指賈魯挑河言也

邾經

經字仲誼仁和人元末進士有玩齋集

春陪呂志學曾彥魯劉仲原同登虎邱賦呈居中長老

虎邱山前新築城虎邱寺裏斷人行梵僧自識灰千劫蜀魄時飄淚  
一聲漸少松杉圍窳堵無多桃李過清明向來游事誇全盛曾對春  
風詠太平

靜志居詩話虎邱詩集一卷王高士賓所錄吾鄉項氏萬卷  
樓藏書也中載仲誼是詩同時和者呂敏志學云山上樓臺  
山下城朱旗夾道少人行曾朴彥魯云云僧甯居中云云又  
周南老正道有至正丁酉冬督役城虎邱詩八首云云虎邱  
築城吳人亦鮮有知者予嘗泊舟山後見遺趾尙存

曾朴

朴字彥魯燕山人

次仲誼韻呈居中長老

闔閭冢上見新城無復游人載酒行山雉聽經依塔影樹鴉爭食亂  
鐘聲劍池龍去泉空冽茶竈僧閒火獨明我欲投簪營小隱佛香終

日祝昇平

詳和  
經下

周南

一作  
南老

南字正道至正末以薦補信州永豐學教諭官至淮南省照  
磨洪武初徵赴太常議郊祀禮禮成發臨濠居住放還卒

至正丁酉冬督役城虎邱連月餘賦詩八首錄呈居中禪師

三錄

捧檄趨功城虎邱因高據險互相繆湛盧一躍寒潭底夜半光芒射  
斗牛

四疊新城繞澗隈劍池池上碧崔嵬於菟夜吼山靈振仙鬼哀吟風  
雨來

平林慘淡日沈西百萬城春落杵齊努力相歌歌未徹回頭仰羨鳥

歸栖

詳經下邦

### 趙汭

汭字子常休甯人至正間以保守鄉井授爲江南行樞密院都事洪武初召修元史不仕有東山存稿

餘冬序錄新安趙東山謁黃楚望先生於九江楚望問年答曰已未楚望曰先吾刊六經補注之歲也或曰書刊矣恐無讀者予曰是讀者未生耳豈知吾子適生是歲乎

### 詠蟋蟀

赤翅晶熒何處歸秋來清響傍庭闈莫言微物無情意風虎雲龍共

一機

東山存稿原注先生年十二時從胡井表學於家塾賦此詩  
胡大驚異賦乳燕詩以答之云云

詠鋸匠解木

一條黑路兩人忙  
傍晚相看鬢有霜  
汝去我來何日了  
虧他扯拽度時光

綠雪亭雜言趙東山垂髫有詩名里中有二執友其一因投  
荒過家其一以磨勘需調皆栖栖桑榆猶戀雞肋者一日同  
訪東山見庭下有鋸匠解木因以命題東山口占絕句云云  
二執友知詩意諷己也相與感歎而去

贈推命焦月巖

字送水迎仍值箕奎躔  
火日竟何爲祇應少日懷  
經濟垂近中年迫

亂離至樂每從天外得長生難向命中期藏書避地俱無計禍福煩  
君仔細推

東山存稿原注先生己未生安命在戌太陽火星同躔奎度  
孛在丑水在寅當時談星者言行限至箕前有水後有孛必  
不佳故起句及此

張翼

亦作  
翊

翼字翔南建德人徙居嘉興至正乙巳舉於鄉吳元年徵入  
禮局告歸

西湖竹枝詞

南高北高峯頂齊錢塘江水隔湖西不得潮頭到湖口郎船今夜泊

西溪



西湖竹枝集早有詩名觀其詩知其人矣

忠徐倡詩

西神峨峨睢孽蔓乘兵塗毗膏國武乏興喑爾尸素營賄朋城弗典  
守妖狐凌彼章縫之徒冠倫魁能蒲伏讐服倒授太阿謙以承天廓  
不白暑雨冰網常淪隳綫絕罔憑胡爲優徐倡冶容倚市矜鬢妖驅  
之俾侑樂頰玉肆詈無陵競噤謳褫舞餘怒鬢植鬚髻鉛爲鋼刃劃  
膺載營霸灼上升顧守臣鉅儒汗恧銜愧死莫懲二儀磅礴忠義氣  
猶出下里孰可仍桓桓執夷徒乃反經溝塍爾倡丹衷燭日月易粉  
黛譽聲繩繩汗瀆流回清激

輟耕錄至正壬辰秋邊寇陷常州守吏望風奔潰徐婦倡者  
寇命以佐燕乃憤詈弗從竟刺死之未幾江浙平章定定來

元詩紀事卷二十一  
二十  
尅復儒流吳寅趙君謨等以從逆伏誅嘉興張翔南翼作忠  
徐倡詩以白於世

梁寅

寅字孟敬新喻人元末辟爲集慶路儒學訓導明洪武初徵  
修禮書書成以老疾辭歸

明史四方士多從學稱爲梁五經

玉階怨

團扇且棄置夕氣涼轉添流螢點魚鱗隕葉近蝦簾羅衣舊恩賜不  
令珠淚霑

投甕隨筆新喻梁孟敬先生作玉階怨樂府云云拳拳不忘  
舊恩可謂怨而不怒者

魯淵

淵字道原淳安人至正進士官江浙儒學提舉洪武初徵修禮樂書詔授江西按察司僉事以病辭

句

九州文軌車書混萬里梯航玉帛齊真題入越裳翡翠供輸少遼海雲

航漕運通感杜鵑山外家千里姑惡聲中淚兩行晚宿新岑

靜志居詩話嘗與楊廉夫張光弼校文貢院其云云蓋猶及見元盛時者其後幾死於寇極其顛沛晚宿新岑云云誦之亦可悲矣

張思孝

思孝字奉先雲中人至正間官武州守洪武己酉被召至辭

歸

句

意當極快處心有平時少忍應無患欲言宜再思子訓綺窗花落東

風軟曾讀曹家女誠無希題二一眼濁黃天塹闊半眉老翠太行昏度懷

中道敢效子陵辭漢爵願同巢父樂堯年辭歸述慨

梧溪集所遺稿有云云志行概見之矣

鄧雅

雅字伯言

句

鼇足立四極鍾山蟠一龍

七修類稿太祖召涂人鄧伯言見命賦鍾山詩稿既呈中一

聯云云上大喜以手拍案高誦之鄧以爲怒驚死于墀下扶

出東華門始甦



元詩紀事卷二十八

割據

侯官陳衍緝

張憲

憲字思廉山陰人別號玉笥生張氏據吳辟爲樞密院都事  
有玉笥集

列朝詩集吳亡走杭州寄食報國寺旦暮手一編人不得窺  
死後視之其平生所作詩也

岳鄂王歌

君不見南薰門鐵爐步神矛丈八舞長蛇雙練銀光如雨注又不見  
鐵浮屠拐子馬斫鏗鋼刀飛白霜貫陣背嵬紛解瓦義旗所指人不  
驚王師到處壺漿迎兩河忠義望風附襄鄧荆湖唾手甯朱仙鎮上

馬如虎百戰經營心獨苦賜環竟壞廼天功捲旆歸來臥樞府錢塘  
宮殿春風輕嬌兒安晏醉未醒徒令功臣三十六舞女歌兒樂太平  
虎頭將軍面如鐵義膽忠肝向誰說只將和議兩封書往拭先皇目  
中血將軍將軍通軍術君命不受未爲失大夫出疆事從權鐵馬長  
驅功可必功成解甲面丹墀拜表謝罪死不遲惜哉忠義重山岳智  
不及此良可悲嗚呼肆讒言加毒手申王心循王口斬王湖上乘驢  
走五國城頭帝鬼啼胡兒相酌平安酒

玉笥集劉鈺序余嘗於精忠錄閱先輩張思廉所作詩歌其  
詞氣抑揚感激所以爲王自處而表其忠烈者曲盡無遺

二月八日遊皇城西華門外觀嘉拏弟走馬歌

春風壓城紫燕飛繡鞍寶勒生光輝軟沙青草平似鏡花雨滿巾風



滿衣潛蛟雙綰玉抱肚朱鬣分光散紅霧金龍五爪蟠彩袍滿背眞  
珠撒秋露生猿俊健雙臂長左脚踢鐙右蹴韁銅鏡四扇遶十指玉  
聲珠碎金琅璫黃蛇下飲電掣地錦鷹打兔起復墜袖回突兀鞍面  
空銀甕駝囊兩邊縋西宮綵樓高插天鳳凰繚繞排神仙玉皇拍闌  
誤一笑不覺四蹄如迷煙神駒長鳴背凝血郎君轉面醉眼纈天恩  
剪下五色雲打鼓歸來汗如雪

玉笥集原評嘔出錦心可與桃花爭奇決非驢上詩人語也

戲贈乍浦稅使歌

去年四月雨如竹錢幣不行百姓哭故人走馬初上官日日誅求征  
稅足今年四月雨如箭海賊東來船著岸土兵東走百姓空商征不  
成官吏散故人本是西河夫殺賊得官心氣麤如何臨難乃無勇不

元詩集卷之二十八  
二  
敢東向鳴桑弧君不見彭城劉寄奴長刀獨戰今非無

玉筍集原評詞氣豪宕可以激立頽靡

酬海藏主紙扇歌

海一漚氣骨有似生驂騑凡韉俗絡羈不得西望八駿瑤池游終焉  
不遂志屏棄妻子祝髮爲比丘遨遊名山川脚趺不肯休誓絕俗士  
交有語常不酬西來貽我白紙扇瀟灑不畫三湘秋雙石相對峙不  
壓長江流上有秀髮翁踞坐披羊裘手垂獨繭絲下掛直鐵鈎其意  
不在鱔與鯁涼風從西來短髮吹颼颼故人位九五駕六龍垂冕旒  
諫議亦好官視若囹圄囚作書罵丞相傲氣凌公侯天星徹夜鬧帝  
座疑有憂胡爲太史公仰觀勞心眸偶然共臥伸一足誤壓天子腹  
奚足尤飄然納爵去天子不可留清灘七里水如玉上縛草廬下艤

舟有時耕白雲鞭青牛何庸圖像南宮樓我今把釣釣臺去海漚此  
意知我否海漚此意知我否

玉笥集原評此篇亦似生馬悍氣不可羈也知此僧不凡

槎洲歌

明珠洲水西行九萬七千里上直箕尾通銀河洲中之地三萬六千  
頃下有登天貫月槎洲旁瑤草白似雪瓊林大樹高可五百尺樛枝  
的礫瑤瑰葩人間百世始一日何有寒暑歲序白兔隨朱鴉家雞曉  
啼朝陽九苞鳳家犬晝戲于闐獅子五色石盤擎雪龍切鱠色奪日  
月露注酒光燦霞白石髓青胡麻王母蟠桃七顆碧玉斗安期大棗  
五尺青銅瓜明星之精化作老仙降槎上手揮白鸞尾身坐白鹿車  
長髮晞綠水童臉浮丹砂西方康胡跪進酒南極丈人來獻花蓬萊

元詩紀事卷二十一  
三  
散仙遺以照書杖大瀛海伯貢以黃茅芽明星翁壽何遐樂無加時  
呼鐵崖老仙友西渡弱水逾流沙杖拄青騰蛇橋踏金蝦蟆五城十  
二樓到處皆爲家淋漓宮錦袍倒著青綸紗桑田東海不足較麻姑  
三見何庸誇明星翁樂無極壽無涯吹笙駕鶴一去五千載歸來重  
醉槎頭槎

玉筍集原評此又於賀體離而去之掉辭拏韻所謂橫絕颺  
起者

橘洲行

太湖之水分三支注爲長泖東去無已時泖灣之口有大橘一樹盤  
盤蔭門楣里鄰呼爲橘洲衆所知洲之上橘之下矮屋六七間皆茅  
茨孝子萬生三世以來皆居之生衣無綾錦華食無肉作糜讀書談

道操履步步以古哲自礪不肯苟爲堂有老親白髮垂必須甘旨備  
二膳家貧不常得十年客寄爲人訓其兒所得金悉以爲奉母資母  
病下痢不能自潔生卽棄業歸取中裙湔浣穢手奉虎子晝夜伺母  
不使床席沾淋漓母有女贅狼壻不識孝義惟務利日思剝取生家  
資甚至湯藥之費亦來掙尅生卽與之無吝詞惟恐致鬪傷母慈使  
母不得瘥以陷終天無窮悲卒能護持母病無恙以終天年之壽期  
噫吁噉橘洲之水清且漪橘洲之橘碩且飴飲洲之水食洲之橘誰  
無父母思嗟哉萬生孝義今古稀我詩直欲追韓奇

玉笥集原評此篇步驟全是老韓想見萬孝子不在董南下  
也

縛虎行

元詩紀事卷二十六  
四  
白門樓下兵合圍白門樓上虎伏威戟夫不掉丈二尾袍花已脫斑  
爛衣捽虎腦截虎爪眼中視虎如貓小猛跳不越當塗高血吻空腥  
千里草養虎肉不飽虎饑能噬人縛虎繩不急繩寬虎無親座中叵  
測劉將軍不縱猛虎食漢賊反殺猛虎生賊臣食原食卓何足噴

歸田詩話張思廉作縛虎行云云記當時事調笑可誦思廉  
有詠史樂府一編皆用此體

太真明皇竝笛圖

黑奴絃索花奴鼓譚奴撫掌闍奴舞阿環自品玉玲瓏御手夷猶親  
按譜風生龍爪玉星香露溼櫻脣金縷長莫倚花淡人不見李暮側  
足傍宮牆

案此詩見鐵崖集其前尙有十六句截去較勝

陳秀民

秀民字庶子溫州人一云嘉興人張氏時爲參軍有寄情集

寄紹興呂左丞

後來江左英賢傳又是淮南保相家見說錦袍酣戰罷不驚越女采  
荷花

輟耕錄張氏據有平江部將呂珍守越叅軍陳庶子饒介之  
在左右一日陳賦此詩饒染翰題扇以寄呂詞翰雙絕呂倩  
人誦罷大怒曰我爲主人血戰守封疆豈愛一女子不忍驚  
乎見則必殺之

陳基

基字敬初臨海人受業於黃潛從至京師授經筵檢討有夷

白齋集

續吳先賢讚張誠士受元太尉以基參府事及其謀自王也  
乃獨諫止之謂當且需時者遂命以內史領學士院凡軍旅  
文符書檄悉委之士誠無大略不知攻取勢遽晏安徒好文  
爲故時有命篇諸人與相和歌亦曾無巢幕及燼之慮及與  
同覆基既俘乃蒙宥俾修元史成放還吳卒

舟中看虞山有感

一望虞山一悵然楚公會此將樓船閒關百戰捐軀地慷慨孤忠罵  
寇年填海欲銜精衛石驅狼願假祖龍鞭至今父老猶垂淚花落春  
城泣杜鵑

列朝詩集此詩爲張士德被擒而作余別有記甚詳孤忠罵



寇亦指斥之詞也

桂林謠

廣寒宮前秋色老  
杪斲子結虬枝杪  
剛風吹顛玉蟾蜍  
丹枝經霜香似掃  
雪魄持杵敲丁東  
驚落瓊璣銀闕空  
羿妻嬾居不遑惜  
蚌胎撒下塵寰中

拜經樓詩話世傳天竺中秋夕往往有月中桂子飄落惟至正壬辰落在九月十五夜半陳敬初爲賦桂林謠云云

羣珠碎傷吳帥潘元紹衆妾作

繡紋刺綺春纖長  
蘭膏鬢髮瓊肌香  
芳年豔質媚花月  
三三兩兩紅鴛鴦  
翠靴踏雲雲帖妥  
海棠露溼臙脂朵  
冶情紛作蝶戀春  
新曲從翻玉連瑣  
畫堂銀燭天沈沈  
揚眉一笑輕千金  
明珠買得綠珠心  
欲

揮魚腸掃妖彗主君勿疑心似醉一宵痛擊羣珠碎門前鐵騎嘶寒  
風奇勳解使歸元戎

元明事類鈔元陳基集吳帥潘元紹七妾皆青年絕色善纂  
組歌詞因潘出軍恐致疑皆雉經爲作羣珠碎詩楊慎集七  
姬之死蓋潘逼焉平安則獲雜子女而漁聚之一旦有變恐  
樂他人之少年而雉經之潘之惡甚矣

卞元亭

絕句

牡丹曾是手親栽十度春風九不開多少繁華零落盡一枝猶待主  
人來

茶餘客話卞元亭元從張士誠屢諫不聽歸隱海濱明太祖

平吳後屢徵不出作詩有恐使田橫客笑人句明祖怒遣戍  
遼陽將行以酒酌牡丹曰待我南還花再開自是花果不開  
妾棲息園中朝夕對花祝云主人有還信當再開花如是十  
年花忽大放元亨果遇赦還復作詩云云

方行

行字明敏黃巖人谷珍子有東軒集

詩談黃巖方行甯海許繼皆鐵中錚錚者

句

採窮江海無靈藥歸到驪山有劫灰

登桑  
住山

藝苑卮言參之貞元長慶亦無愧色

劉仁本

仁本字德元天台人元末進士官江浙行省左右司郎中佐  
方谷真謀議有羽庭詩稿

續蘭亭會補參軍劉密詩

井序

庚子春仁本治師會稽之餘姚乃相龍泉之左麓州署之後山  
得神禹秘圖之處水出巖罅瀦爲方沼疏爲流泉卉木叢茂行  
列紫薇間以竹篁彷彿乎蘭亭景狀因作雩詠亭以表之合甌  
越來會之士得四十二人同修禊事取晉人蘭亭會圖詩缺不  
足者各占其次補四五言各一首因曰續蘭亭會云

陽春沐膏澤草木生微暄靈圖發幽祕感此禹迹存衣冠繼芳集臨  
流引清樽性情聊自適理亂復奚言

列朝詩集至正庚子仁本治師會稽之餘姚州作雩詠亭於

龍泉左麓彷彿蘭亭景物集名士趙俶謝理朱右天台僧白  
雲以下四十二人修禊賦詩仁本自爲之序焉

謝理

理字 南陽人官都事

續蘭亭會補侍郎謝瑰詩二首

東溫散晴旭灌水浮嘉陰良辰事修禊我友欣盍簪方池注清流可  
以濯煩襟一觴復一詠暢情忘古今

王霖

霖字叔雨括蒼人官浙江行省樞密院都事

續蘭亭會補王獻之詩二首

華髮宴餘春微風宿雲散蘭皋野氣芳桐岡日初旦羣賢集崇邱臨

元詩紀事卷二十八  
八  
流水光渙酌酒清湍曲俯泉慨長歎

諸綱

綱字

人官蕭山教諭

續蘭亭會補府曹勞夷詩二首

叢木翳林薄構亭俯澗濱旭日散晴彩光風媚芳春臨流轉輕觴於以樂嘉賓詠歌意自適酣暢趣益真茲游敦所尙庶足酬令辰

徐昭文

昭文字秀章上虞人官平江儒學學正

續蘭亭會補府主簿后綿詩二首

茲辰天氣佳駕言寫我憂衣冠盛良會祓禊俯長流川容澹疎雨樹色翳崇邱清風接千載復此逍遙遊

鄭彝

彝字元秉餘姚人

續蘭亭會補山陰令虞國詩二首

夙駕稅幽麓泛醴循流瀾芳蕤被巖瀨葩萼耀林端靡靡時運近期  
焉撫嶺岵主欣遠賓集陶然有餘歡

張溥

溥字餘姚人官嘉興路經歷

續蘭亭會補鎮國大將軍掾卞迪詩二首

茲辰暮春初散策臨泉石雲渠引微波浮觴薄前席伊人既已去古  
今同一適睠茲修禊地遙岑澹空碧

靜志居詩話左司結續蘭亭會與者四十二人今名氏未能

元詩補事卷二十六  
九  
悉考詩僅存者左司而外都事謝理補晉侍郎謝瑰鄉貢進士趙俶補參軍孔盛蕭山主簿朱右補餘杭令謝滕帥府都事王霖補王獻之蕭山教諭諸綱補府曹勞夷平江儒學正徐昭文補府主簿后綿秘圖隱者鄭彝補山陰令虞國嘉興路經歷張溥補鎮國大將軍掾卞迪天台僧自悅補任城呂系四明僧如阜補任城令呂本東山僧福報補彭城曹謹詩皆醇雅絕類晉人事在至正庚子後九年始建元洪武諸君惟俶及右仕明案以上七人詩皆二首錄一

吳徹

徹字文通崇仁人

西山夜雨



莫厭西山夜雨多也應添起洞庭波東風肯與周郎便直上金陵奏  
凱歌

明詩綜爲陳友諒用事嘗偵太祖軍被獲命詠百馬圖黥其  
面目爲詭譎秀才又賦西山夜雨云

Blank page with vertical lines.

元詩紀事卷二十九

寇賊

侯官陳衍緝

芝麻李

平胡錄蕭縣人李二號芝麻李以燒香聚衆與其黨趙君用彭早住起淮安攻陷徐州元兵破徐州芝麻李遁趙君用彭早住走濠州

庚申外史芝麻李者邳州人也值歲饑其家惟有芝麻一倉盡以賑人故得此名

庚申外史脫脫平徐州以得芝麻李奏功既而陰構朝旨令班師使者六七返帝始令月怯察兒代之月餘始獲芝麻李械送京師脫脫密令就雄州殺之案據此疑芝麻李始終未

元詩紀事卷二十九  
一  
真獲

題留連亭

憶昔曾爲海上豪，臙脂馬上赤連刀。此地斬分陳總管，彼時斫斷莫軍曹。固知今日由天定，方信當年漫自勞。英雄每每無常在，戰袍著盡又方袍。

壘起雜事芝麻李之遁也。髡髮爲頭陀僧及天下既定遊徐之永固河，河上有留連亭。李徘徊久之，乃題一筆云云。三歎投筆而出，乃有翁方且以舟艤岸，見李發歎問其故。李泣下，謂曰：我即蕭縣李二也。此翁亦流淚不止，自陳其由。所謂湘鄉賊鄧文元也。避難詭姓名作渡於此，二人沽村酒酌之。話昔日之強梁傷今日之狼狽，聞者爲之感歎。

西昌寇

口占詩

頭戴血淋漓負母沿街走遇我慈悲人與汝一杯酒我亦有家兒雪色同冰藕亦欲如汝賢未知天從否

江西通志云鄧學詩字崇雅泰和人元季寇入西昌學詩負母劉以逃塗遇寇斫之幾死繼有寇至見老母哭其旁憫之與以善藥傅創又解衣覆之久乃甦最後復遇渠寇知其儒者哀之口占一詩云云命和學詩應聲和云鐵馬從西來滿城盡驚走我母年七十兩足如醉酒白刃加我身一命懸絲藕感君不殺恩未知能報否寇喜釋之

...

...

...

...

...

...

...

...

...

...

元詩紀事卷三十

金遺老

侯官陳衍縉

元好問

好問字裕之太原秀容人金興定三年登進士第官至翰林知制誥金亡不仕世稱遺山先生有遺山集

郝文忠集先生當德陵之末獨以詩鳴上薄風騷中規李杜粹然一出於正天才清贍邃婉高古沈鬱太和力出意外巧縟而不見斧鑿新麗而絕去浮靡造微而神采粲發雜弄金碧糝飾丹素奇芬異秀洞蕩心魄看花把酒歌謠跌宕挾幽并之氣高視一世以五言雅爲正出奇於長句雜言至五千五百餘篇爲古樂府不用古題特出新意以寫怨思者又百

元詩紀事卷二  
篇用今題爲樂府揄揚新聲者又數十百篇

余謙遺山集序崔立之變駢首死難者不可勝紀遺山歸然  
獨存金亡晦道林莽日課一詩寒暑不易

遺山集初余學詩以數十條自警毋怨懟毋謔浪毋傲狠毋  
崖異毋狡訐毋媠阿毋附會毋籠絡毋衍粥毋矯飾毋爲堅  
白辨毋爲聖賢顛毋爲妾婦妬毋爲仇敵謗傷毋爲龔俗閔  
傳毋爲瞽師皮相毋爲黥卒醉橫毋爲黠兒白捻毋爲田舍  
翁木強毋爲法家醜詆毋爲牙郎轉販毋爲市倡恩怨毋爲  
琵琶娘返魂韻詞毋爲村夫子兔園冊毋爲算沙僧困義學  
毋爲稠梗治禁詞毋爲天地一我古今一我毋爲薄惡所移  
毋爲正人端士所不道



庶齋老學叢談張橘軒與元遺山爲斯文骨肉張云富貴倘  
來良有命才名如此豈長貧元改倘來爲逼人此爲子又云  
半篙溪水夜來雨一樹早梅何處春元曰佳則佳矣而有未  
安旣曰一樹烏得爲何處不如通作一句改一樹爲幾點壬  
辰北渡寄遺山詩萬里相逢真是夢百年垂老更何鄉元改  
里爲死垂爲歸如光弼臨軍旗幟不易一號令之而百倍精  
采

堯山堂外紀壬辰北渡順天毛正卿楊德秀祈仙寺中蘇晉  
降筆寫詩數十首一詩有百僞無一真中有義黃醇之句餘  
詩除酒裏神仙我五言外多不成語二人初不知晉爲何代  
人詩爲何人作以語元遺山遺山曰余二十六七時有詩曰

西郊一畝宅閉門秋草深牀頭有新釀意愜成孤斟舉杯謝  
明月蓬華肯相臨願將萬古色照我萬古心又去古日已遠  
百偽無一真獨餘酒鄉地中有羲黃醇聖教難爲功乃見酒  
力神誰能釀滄海盡醉區中民今晉所批乃有此十字晉豈  
余前身邪將近時鬼物之不昧者記余詩託名於晉以自神  
也晉旣以余詩爲渠所作余亦就酒裏神仙我五言取償於  
晉因作樂府曰繡佛長齋枉伴蒲團過酒壚橫臥一蹴虛空  
破頗笑張顛自謂無人和還知麼醉鄉天大少個神仙我

箕山

幽林轉陰崖鳥道人跡絕許君棲隱處唯有太古雪人間黃屋貴物  
外祇自潔尙厭一飄喧重負甯所屑降衷均義稟汨利忘智決得隴

又望蜀有齊安用薛干戈幾蠻觸宇宙日流血魯連蹈東海夷叔採  
薇蕨至今陽城山衡華兩邱垤古人不可作百念肺肝熱浩歌北風  
前悠悠送孤月

元魯縣琴臺

荒城草木合破屋風雨侵千年一琴臺  
暍焉涕盈襟遺愛食縣社公甯不堪任此臺  
卽甘棠忍使無餘陰旁舍高以華大豪日捐金蒼雲  
元武暮鬼物憑陰岑尙德抑元虛墜典誰當尋  
我興薦寒泉百拜公來臨公來不能知落日下飢禽懷哉空山裏  
鶴飛猿與吟當年于菴歌補袞一何深承平示得意獨能正哇淫  
君相此一時又復悟良箴諛臣坐廢黜盍亦起幽沈蒲輪竟頽轂  
香草空深林寂寞授書室孤甥舉遺衾生平諒已然薄俗矧來今  
千山爲公臺萬籟爲公琴夔曠

不並世月露爲知音人間蹄涔耳已矣非公心

元道州文編以元魯山爲元魯縣又塞今爲元武祠故及之

郝文忠集業成下太行渡大河爲箕山琴臺等詩趙禮部見之以爲少陵以來無此作也以書招之於是名震京師目爲

元才子

芳華怨

娃兒十八嬌可憐亭亭裊裊春風前天上仙人玉爲骨人間畫工畫不出小小油壁車軋軋出東華金縷盤雙帶雲裙接鴈沙一片朝雲不成雨被風吹去落誰家少年豈無恩澤侯金鞍繡帽亦風流不然典取驪驕裘四壁相如堪白頭金谷樓臺悄無主燕子不來花著雨只知環珮作離聲誰向琵琶得私語無情鷓鴣翡翠兒有情蜂雄蝶雌勸君滿酌金屈卮明日無情空折枝

歸潛志元裕之李長源同鄉里各有詩名由其不相下頗不  
相成李好憤怒元嘗云長源有憤擊經元好滑稽李輒以詩  
譏罵元無如之何元嘗權國史院編修官時末帝召故駙馬  
都尉僕散阿海女子入宮俄以人言其罪又蒙放出元因賦  
金谷怨樂府李見之作代金谷佳人答一篇以拒焉一時士  
人傳以爲笑談元詩云云

贈別孫德謙

津橋垂楊雪花白挽斷青衫苦留客西湖一雨春意濃絕似銅駝洛  
陽陌湖亭轟醉臥春風到手金杯不放空鵲山一帶傷心碧羨殺孫  
郎馬首東

庶齋老學叢談張寓軒相公少年與孫德謙於東平嚴侯府

元詩紀事卷二十一  
四  
從元遺山讀書其歸也命二子送行及別求詩以東平二字  
爲韻孫得詩云云公得詩云汝伯年年髮如漆看渠著脚與  
雲平孫竟不永年或者謂德謙詩有殺孫郎語不祥如此則  
詩果有讖乎

送李參軍

五日過居庸十日渡桑乾受降城北幾千里出塞入塞沙漫漫古來  
丈夫淚不灑別離間今朝送君行清淚留餘潛生女莫作王明君一  
去紫臺空珮環生男莫作班定遠萬里馳書望玉關我知驥子墜地  
無齊燕我知鴻鵠意氣青雲端草間尺鷃亦自樂扶搖直上何勞搏  
一衣敝緼袍一飽苜蓿盤歲時壽翁媪團欒有餘歡就令一朝便得  
八州督爭似綵衣起舞春爛斑去年洛陽人今年指天山地遠馬韉

破霜重貂裘寒朔風浩浩來客子慘在顏扼胡嶺上一迴首未必君  
心如石頑君不見桓山烏乳哺不得須臾閒衆雛一朝散孤雌回顏  
聲悲酸寒雁來時八九月白頭阿母望君還

歸田詩話予適保安周府教授滕碩亦以事累繼至見予每  
誦元遺山送李參軍赴塞上長篇謂舊讀此詩備悉塞垣之  
苦豈料今日親涉此境予愛其詩因請詳讀而備錄之

### 論詩三十首

一語天然萬古新豪華落盡見真淳南窗白日羲皇上未害淵明是

晉人

柳子厚唐之謝靈運  
陶淵明晉之白樂天

定宇先生文集答問問元裕之云柳子厚唐之謝康樂陶元  
亮晉之白樂天此說如何答曰謝康樂以放曠不檢束遭禍

柳子厚陷伾文之黨亦卒貶死以之並說亦自頗是陶元亮忠義曠達優游樂易以白樂天比之亦似但優游樂易相似而論其至到處則樂天不能及淵明也

望帝春心託杜鵑佳人錦瑟思華年詩家總愛西崑好只恨無人作鄭箋

牧菴集嘗疑遺山論詩於西崑有無人作鄭箋之恨漫不知何說心竊異之後聞高吏部談遺山誦義山錦瑟中四偶句以爲寓意於適怨清和始知謂鄭箋者殆是事也

東野窮愁死不休高天厚地一詩囚江山萬古潮陽筆合在元龍百尺樓

歸田詩話東野云云推尊退之而鄙薄東野至矣東坡亦有



未足當韓豪之句又云我厭孟郊詩復作孟郊語

窘步相仍死不前唱酬無復見前賢縱橫自有凌雲筆俯仰隨人亦可憐

南濠詩話東坡云詩須有爲而作山谷云詩文唯不造空強作待境而生便自工耳予謂今人之詩惟務應酬皆無謂而作者也無怪其語之不工遺山云云知其病者也

有情芍藥含春淚無力薔薇臥晚枝拈出退之山石句始知渠是女郎詩

中州集王中立傳予嘗從先生學問作詩究竟如何先生舉秦少游春雨詩有情云云詩非不工若以退之芭蕉葉大槵子肥較之則春雨爲婦人語矣破却工夫何至學婦人

歸田詩話元遺山論詩三十首內一首云云初不曉所謂後  
見詩文自警一編亦遺山所著謂有情二句此秦少遊句也  
非不工巧然以退之山石句觀之渠乃女郎詩也破却工夫  
何至作女郎詩

俳體雪香亭雜詠十五首

爐薰浥浥帶輕陰翠竹高梧水殿深去去氈車雪三尺畫羅休縷麝

香金

泥金色如麝  
香宮中所尚

藝林伐山宋徽宗宮人多以麝香色縷金羅爲衣裙元裕之  
詩此去穹廬千萬里畫羅休縷麝香金

羅綺深宮二十年更持桃李向誰妍人生只合梁園死金水河頭好

墓田

山房隨筆金國南遷浸弱不支又遷睢陽某后不肯播遷寧  
死於汴元遺山有詩云云

東臯雜鈔金國南遷後國浸弱云云見山房隨筆王阮亭但  
謂其擬張祜人生只合揚州死禪智山光好墓田蓋哀金宮  
人之被俘虜者耳豈未見此耶

鄉郡雜詩五首

百年喬木鬱蒼蒼耆老風流趙與楊爲向榆關使君道郡中合有二  
賢堂

元朝名臣事略引四賢堂記聶侯珪帥平定聞敬齋李公之  
名而賢之延至郡舍會遺山元公還太原過之爲數日留因  
追憶閒閒文獻二老作詩云云聶侯起謝曰此珪志也方經

始而聶侯卒至元二年到侯天祿繼守是州爲屋數楹置楊  
趙元李四公像於中以事之

論詩三首

暈碧裁紅點綴勻一回拈出一回新鴛鴦繡了從教看莫把金針度  
與人

月山詩話元遺山詩喜用古人成語陶杜句尤多論詩絕句  
鴛鴦云云亦是古句朱子云子靜說話常是兩頭明中間暗  
其所以不說破便是禪所謂鴛鴦繡出從君看莫把金針度  
與人他禪家自愛如此

遊天壇雜詩

道民初不忘天台姓氏分明見密崖爲問松臺千載鶴白雲何處不

歸來

續夷堅志明昌末廬氏山密崖石壁高峻非人迹所到忽有題字云道民天台司馬承禎過字大如盃墨色光瑩而紫予過中岩謁白雲先生祠碑載承禎葬松臺因有詩云云

仙貓聲在洞中聞憑仗兒童一問君同向燕家舐丹竈不隨雞犬上青雲

續夷堅志天壇中岩有仙貓洞世傳燕真人丹成雞犬亦昇仙而貓獨不去在洞已數百年游人至洞前呼仙哥聞有應者王屋令臨漳薛鼎臣呼之而應親爲予言己亥四月予自陽臺宮將之上方過洞前命兒子叔儀呼之隨呼而應殊清還也因作詩云云

征人怨

瀚海風煙掃易空  
玉關歸路幾時東  
塞垣可是秋寒早  
一夜清霜入鏡中

塞上曲

平沙細草散羊牛  
幾簇征人在戍樓  
忽見隴頭新雁過  
一時回首望南州

梁園春五首

車駕還汴京後作

軍從南去三回勝  
雪自冬來二尺強  
今歲長春多樂事  
內家應舉萬

年觴

長春德陵  
誕節名

暖入金溝細浪添  
津橋楊柳綠纖纖  
賣花聲動天街遠  
幾處春風揭

繡簾

上苑春濃晝景閒  
綠雲紅雪擁三山  
宮牆不隔東風斷  
偷送天香到世閒

樓觀沈沈細雨中  
出牆花木亂青紅  
朱門不解藏春色  
燕宿鶯啼處處通

雙鳳簫聲隔綵霞  
宮鶯催賞玉谿花  
誰憐麗澤門邊柳  
瘦倚東風望

翠華

龍德宮有玉谿館  
麗澤燕都西門名

詩藪元人絕句莫過虞范諸家  
至樂府體絕少惟元好問塞  
上曲梁園春征人怨差有唐味

宛丘歎

秦陽陂頭人迹絕  
荻花茫茫白於雪  
當年萬家河朔來  
盡出牛頭入租帖  
蒼髯長官錯料事  
下考大笑陽城拙  
至今三老背腫青  
死爲懸

通出膏血君不見劉君宰葉海內稱饑摩寒撫哀孤惇碑前千人萬人泣父老夢見如平生冰霜紈袴渠有策如我碌碌當何成荒田滿眼人得耕詔書已復三年征早晚林閒見雞犬一犁春雨麥青青

自注髻李令南陽配流民以牛頭租迫而逃者萬餘家劉雲卿御史宰葉除逃戶稅三萬斛百姓爲之立碑頌德賢不肖用心相遠如此李之後十年予爲此縣大爲逋懸所困辛卯七月司農檄予按秦陽陂田感而賦詩李與劉皆家宛丘故以宛丘歎命篇

密公寶章小集

天東長白大寶幢天河發源導三江有木蔽映山朝陽云誰巢者雛鳳凰雲間吐氣日五色百鳥不敢言文章名都盤盤魏大梁黃金甲



第羅康莊王家書絕畫亦絕欲與中祕論低昂密公書院無絲簧窗  
明几潔凝幽香元光以後門鑰廢文士稍得連壺觴客來喜色浮清  
揚典衣置酒餘空箱生平俊氣不易降眼中俗物都茫茫淵明素琴  
嵇阮酒妙意所寄誰能量在昔武元握乾綱扶桑爲弓射八荒獵取  
大國如驅羊民風朴魯資鷲疆文治未及武尅剛興陵之孫越王子  
天以人瑞歸明昌十三執經侍帝傍十八健筆凌阿房撐腸文字五  
千卷靈臺架構森鋪張高陽苗裔襲衆芳胡不置之貢玉堂袖中正  
有活國手地下纔得修文郎悲風蕭蕭吹白楊丘山零落可憐傷承  
平故態耿猶在拂拭寶墨生輝光恰似如菴連榻坐一甌春露澹相  
忘

自跋明昌寶玩羣玉中秘內府圖書印也越邸有柳公權紫

絲鞵歐率更海上楊凝式乞花等帖然獨推元章華佗爲古  
今絕筆宋畫譜山水以李成爲第一國朝張太師浩然王內  
翰子端奉旨品第書畫謂成筆意繁碎有畫史氣象次之荆  
關范許之下密公識賞超詣亦以此論爲公郭乾暉崔棘公  
以爲當在太古無上唐以來諸人筆虛筆實皆非其比故予  
詩及之樗軒公自號也又所居有如菴詩集號如菴小蘂越  
王諸子惟樗軒貧甚典衣沽酒之句蓋實錄云甲午三月二  
十有一日爲輔之書于聊城至覺寺之寓居

淮右

淮右城池幾處存宋州新事不堪論  
輔車漫欲通吳會突騎誰當擣  
薊門細水浮花歸別澗斷雲含雨入孤村  
空餘韓偓傷時語留與纍

臣一斷魂

全金詩五六全用韓致光語卽於結聯標出自成一體遺山詩用前人成語極多陶杜句尤甚又未可以此例概之也

秋夜

九死餘生氣息存蕭條門巷似荒村春雷謾說驚坏戶皎日何曾入覆盆濟水有情添別淚吳雲無夢寄歸魂百年世事兼身事尊酒何人與細論

金詩紀事此詩爲汴京之難言之也金史文藝傳云天興二  
年春崔立變羣小請爲立建功德碑翟奕以尙書省命召翰  
林直學士王若虛爲文若虛自分必死以理論之奕輩不能  
奪乃召太學生劉祁麻革輩赴省元好問張信之喻以立碑

事祔等固辭促迫不已祔卽爲草定好問意未愜乃自爲之  
以示若虛乃共刪定數字詩中意含蓄未露其痛切言之者  
則見於集中外家上梁文及郝經辨磨甘露碑詩

上梁文略云初一軍搆亂羣小歸功劫太學之名流文鄭人  
之逆節命由威制佞豈願爲伊誰受賞於我嫁名果吮癰舐  
痔之自甘雖竄海投山其何恨追韓之騎甫還射羿之弓隨

穀

予北渡之初獻書中令君請以一寺觀所費  
養天下名士造勝二三亦書中枚舉之類也

金詩紀事裕之寓書楚材請養天下名士書中所枚舉者耆  
舊外時輩共四十九人劉麻之名皆在焉

陵川集詩有云勒文誦德召學士溥南先生副一死林希更  
不顧名節兄爲起草弟親刻又數罇黃封幾斛米賣却家聲

都不計又作詩爲告曹聽翁且莫獨罪元遺山

案甘露碑文必遺山推諉劉京叔麻信之起草而爲之刪定者郝伯常爲遺山門人但曰且莫獨罪可見非遺山一人所爲而固未嘗不與其事此一語可據以定讞矣上梁文之命由威制佞豈願爲非自甘吮癰舐痔等語明係自辨其出於強逼耳不然受賞穀弓遺山於京叔信之詆之已不遺力此威制數語豈反爲二人訟冤乎金史謂若虛亦共刪定自不足信其謂遺山不愜祁等所作乃自爲之者亦太過之言也

李仲華湍流高樹圖

小景風流恰入時留題紙尾竟何辭不因脫兔投林了何處而今更有詩

自注癸巳正月之變逆黨中有欲謀害己者賴仲華力爲營  
護得釋故篇末有及

記夢

天上材官老不材從教兀兀走塵埃夢中望拜通明殿曾見金書兩  
字來

自注戊子七月二十四日內鄉往盧氏宿走馬平夜夢拜天  
帝像遂觀法駕導引畫幄最前負弩三人中有金書小字題  
裕之者夢中不自知其爲予也

初挈家還讀書山雜詩

天門筆勢到閒閒相國文章玉筍班從此晉陽方志上繫舟山是讀

書山

自注繫舟先大父讀書之所閒閒公改爲元子讀書山又大  
參楊公叔玉撰先人墓銘

姨母隴西君諱日作

寶鏡煌煌照九州埋藏曾及見諸劉豐城今日無雷煥紫氣誰當辨  
斗牛

自注陽曲劉氏家大寶鏡能照天地四方以前知休咎其家  
埋地中人不得見也明昌泰和中北方兵動渠父子欲卜之  
一日先以旃幕障中庭乃扃閉門戶甚嚴及掘鏡出光耀爛  
然一室盡明如初日之照鏡中見北來兵騎穰穰無數餘三  
方都無所覩因大駭曰不可不可卽埋之姨母時伏牀下得  
竊窺焉故予詩及之

題張彥寶陵川西溪圖

松林蕭蕭映靈宇  
燦石流金不知暑  
太平散人江表來  
自訝清涼造  
仙府不到西溪四十年  
溪光機影想依然  
當時膝上王文度  
五字詩成衆口傳  
忽見畫圖疑是夢  
而今塵土浣華顛

自跋本送字今改作浣字  
陵川在太行之巔  
蓋天壤閒清涼境界也  
江淮太平散人題詩東廟  
自謂已造仙府  
恨居民不知其樂耳  
此縣先君子舊治宴游西溪  
僕以童子侍焉  
彥寶出此圖求賦詩感今懷昔  
爲之愴然  
故篇中有及癸丑十一月三日題

汾亭古意圖

堯氏羲黃去未遠  
日作日息天機全  
杜侯袖裏姑汾筆  
辦與南華談



窅然廢興知經幾今昔淳朴別有一山川白雲亭上秋風客不比仙翁甲子年

自注元祐以來郭熙明昌泰和閒張公佐皆年過八十而以山水擅名今雲中杜丈莘老與張郭年相若而畫品不下古人爲侯廣道作汾亭古意橫披灑然有塵外意爲題四韻其後神仙張果生帝堯甲子年詩家亦傳習用之故末句有及

寄楊弟正卿

馬迹車塵漫白頭蒼生初不待君憂且從少傅論中隱儘要元規擁上流東閣官梅動詩興洞庭春色入新筍歸程未覺西庵遠夜夜清伊繞石樓

自注正卿西庵以名酒甲洛中嘗賦觀漲詩有狂瀾竟逐西

風落依舊清伊繞石樓之句故兼及之

句

高原水出山河改戰地風來草木腥  
花啼杜宇歸來血樹掛蒼龍  
蛻後鱗白骨又多兵死鬼青山原有地行仙  
燕南趙北無金土  
王後盧前總故人神功聖德三千牘大定明昌五十年

歸田詩話元遺山在金末親見國家破殘詩多感愴如云云  
皆寓悲愴之意至神功云云不忘前朝之盛亦可念也

句

秋風拂羅裳秋水照紅妝舉頭見郎至低頭采蓮房

詩藪元裕之他詩不習杜獨五絕學少陵殊可笑後平湖曲  
中得四句云云殊有六朝風致余爲刪作五言絕可稱元初

第一然亦太白舉頭見山月語也

句

千山分晚照萬籟入秋風  
雨入秦川黑雲開楚岫青  
時危頻虎穴路絕更羊腸  
露涼驚夜鶴風細咽秋蟬

詩藪元五言律可摘者元裕之云云句格闕整大曆元和閒

又

七重寶樹圍金界十色雯華擁畫梁

升庵集金國仙人王予可詩多用雯華字見中州集元好問  
詩剝裂雯華漬月秋又寶宮寺云云雯文也又石文似雲亦  
曰雯華古三墳書曰雲赤曇月雲素雯

又

英威未覺消沈盡試向春陵望鬱蔥

歸潛志予先子翰林令葉時同郝坊州仲純賦昆陽懷古詩  
諸公多繼作元裕之云云

案英威二句遺山集中失載

白君舉

君舉號寓齋隴州人登金泰和詞賦進士第北渡後卜築於  
滹陽與元遺山齊名稱元白

案全金詩作君舉失其名元詩癸集作白賁字君舉然君舉  
與元遺山友善而中州集白賁下不云字君舉也

題靖節圖

咄哉靈運輩竟坐衣冠辱誰知五柳家春雨東臯綠

酬元遺山

夢裏薰風湛露歌  
花開漢苑舊經過  
拾遺老去青春暮  
司馬歸來白髮多  
橫槊賦詩吾豈敢  
短衣扣角夜如何  
相逢未盡相思話  
草色連雲水碧波

梧溪集李治序其詩曰龍韜雷厲於紛拏之頃玉唾川流於談笑之餘逢觀其題靖節圖有云云風節可槩見矣併錄元公八句云云弟文舉亦登貞祐進士第馮西巖內翰有科第聯飛光白傅之句稱擬云

句

欲搜春草池塘句  
藥裏關心夢不成

遺山集李定齋有詩寄白以因風何惜數行書爲落句白酬

答云云余平解之云金粟岡頭有髮僧遙知默坐對龕燈書  
郵但覺浮沉久詩卷何緣唱和曾白日放歌須縱酒清朝有  
味見無能相逢定有池塘句藥裏關心恐未應

楊弘道

弘道字叔能號素菴淄川人金末補父廕不就避亂走襄漢  
宋人辟爲唐州司戶不久棄去年八十餘卒有小亨集

幽懷久不寫一首效韓子此日足可惜贈彥深

幽懷久不寫鬱紆在中腸爲君一吐之慷慨纏悲傷辭直非謗訐辭  
誇非顛狂流出肺腑中無意爲文章兒時捧書卷十日讀一箱少年  
弄柔翰開口吐鳳凰正月號悲風總帷掛萱堂先君官汝陰九月飛  
嚴霜纍纍二十口丹旄迴南方

余年十一正月喪母九月喪父哀哉

有叔不讀書但知禽色

荒呼盧畜鷹犬置我遊戲場珠璧不受污拂拭增耿光郁郁弭南溪  
絳帳懸郡庠組繡合尺度道業傳書生摳衣無幾何义手一韻成南  
溪羅酒饌列坐子姪行青綾覆我身醉臥家人傍雲閒陸士龍秋試  
獨騰驥

南溪先生之弟庭賢名天瑞管爲益都府經義都魁

明年桂枝春兄弟雙翱翔半途失明師

欲濟無舟航故人何元理

名中

白日照忠誠勸我從延賞然後學明

經三年走遼碣險阻實備嘗鯨翻地軸傾狼狽歸故鄉鐵馬逐人來  
蹴踏般溪冰朔風振屋瓦巷陌屍縱橫鳴鏑射迴雁冰消溪水清親  
朋半凋落殘月依長庚婉婉兩稚子面黥刀劍瘡田園幸無恙出郭  
依農桑鋤耰干戈裏三稔無積倉一官調神京妻子不得將風塵復  
瀕洞齊魯多豺狼賡歌無家別揮淚哭途窮李侯藝九畹早播芝蘭  
香奇字來無趾側耳屬垣牆粧鈿剪翠羽隨珥舍明璫綴緝不憚煩

既成衣無裳一朝忽變化頭角高軒昂男兒可如此陋質傾高風庶  
幾困而學否極承變通師說無賢鄙事業有專工苟欲爲貿易入市  
審鞠躬恩袍映野草道與人俱東負笈遠方來歧路無修長拂衣叩  
君門樹屏遮長廊溫言當八珍令色充壺觴遠來誠飢渴蔓說辭乞  
漿秉心在黑白掉舌談青黃臉紅眼尾斜引手摩匡床自惟玳珞石  
不中珪與璋君家杵臼閒何事春糝糠乃知畜奇貨韞匱方深藏仕  
途得捷徑改轍歸大商紛紛輕薄子仁義久已亡彼非仁義器仁義  
何可當夫子青雲姿疑似令人驚在我固自存爲君惜清名冰雪正  
凝迤屈指迴春陽皓鶴毛骨輕雲靜天蒼蒼

小亭集

### 甘羅廟

峻坂欲盡長坡迎後山未斷前山橫甘羅廟下四山合太始鬼物成



天成道傍一峰立突兀瘦木上下攢虎薨此郎片紙附遷史勳業不足煩題評尙憐稚齒據高位因使細人輕晚成山間一笑爲絕倒多少豎子談功名

遺山集叔能與余會於京師遂見禮部閑閑公及楊吏部二公見其幽懷久不寫及甘羅廟詩嘖嘖稱歎不已

空村謠

淒風羊角轉曠野埃塵腥膏血夜爲火望際光青熒頽垣俯積灰破屋仰見星蓬蒿塞前路瓦礫堆中庭殺戮餘稚老疲羸行欲傾居空村問汝何以供朝昏氣息僅相屬致詞難遽言往時百餘家今日數人存頃筐長鑊隨日出樹木有皮草有根春磨沃飢火水土仍君恩但恨誅求盡地底官吏有時還到門

中州集張介嘗贈詩人楊叔能末章云我貧自救如沃焦君  
來過我亦何聊爲君欲寫貧士歎才思殊減荒村謠楊初以  
荒村謠得名故云

困學齋雜錄任城翟慶之云在東平時口南王子澗問楊叔  
能之詩於止軒先生先生曰叔能早年詩名藉甚初入京時  
如空村謠甘羅廟諸作楊趙諸公極口推許及自關中還所  
作澹不可讀

### 李俊民

俊民字用章號鶴鳴老人澤州人金承安中舉進士第一應  
奉翰林文字入元召見乞還山卒賜諡莊靖先生

### 寄趙庭幹

試將小錄問同年風采依稀墜目前三十一人今鬼錄與君雖在各  
華顛

君還携幼去幽燕我向荒山學種田千里暮鴻行斷處碧雲容易作  
愁天

全金詩先生嘗自書登科記後曰余閱承安庚申登科記三  
十三人革命後獨與高平趙楠庭幹二人在一日邂逅于鄉  
邑哽咽道舊壬寅五月庭幹復挈家之燕京感慨忍淚書五  
十六字寄之云云是時蔡州失守已十年矣故云

贈張仲一

丹鳳啣書下九霄山城和氣動民謠久潛龍虎聲相應未戮鯨鯢氣  
尙驕萬里江山歸一統百年人事見清朝天教老眼觀新化白髮那

堪不肯饒

中堂事記追諡前經義狀元李俊民爲莊靜先生先生字用章獲澤人明昌閒進士道號鶴鳴老人在河南時於隱士荆先生傳皇極數學己未閒聖上在潛令張仲一就問禎祥優禮有加至是先生已歿其言盡徵故有是命以旌其德學云初張辭去繼請以蒲輪來起公先生笑不答贈詩以見方來其辭云云明年正月先生卒于家

段克己

克己字復之河東人金末以進士貢北渡後與弟成己避地龍門山中廿餘年卒人稱遜菴先生

虞集河東段氏世德碑克己成己之幼也禮部尙書趙公秉

文識之目之曰二妙

房祺河汾諸老詩集序近代詩人遺山元生爲之冠與元老或詩或文數相贈遺者遯菴菊軒有稷亭二段之目

癸卯中秋之夕與諸君會飲山中感時懷舊情見乎辭

少年著意仿中秋手卷珠簾上玉鈎明月欲上海波濶瑞光萬丈東  
南浮樓高一望八千里翠色一點認瀛洲桂華徘徊初泛灑冷溢杯  
盤河漢流一時賓客盡豪逸擁鼻不作商聲謳無何陵谷忽遷變殺  
氣黯慘纏九州生民冤血流未盡白骨堆積如山丘比來幾見中秋  
月悲風鬼哭聲啾啾遺黎縱復脫刀几憂思離散誰與鳩回思少年  
事刺促生百憂良辰不可再尊酒空相對明月恨更多故使浮雲礙  
照見古人多少愁懶與今人照興廢今人古人俱可憐百年忽忽如

流川三軍鞍馬閒未得鏡中不覺摧朱顏我欲排雲叫閭闔再拜玉  
皇香案前不求羽化爲飛仙不願雙持將相權願天早賜太平福年  
年人月長團圓

吳澄序其詩如冤血流未盡白骨如山邱四海疲攻戰何當  
洗甲兵蓋陶之達杜之憂兼而有之